



DEO OPTIMO MAX.

UNI ET TRINO,

VIRGINI DEIPARÆ, ET S. LUCÆ  
Orthodoxorum Medicorum Patrono.

QUÆSTIO MEDICA.

QUODLIBETARIIS DISPUTATIONIBUS;  
*manè discutienda in Scholis Medicorum die Martis duodecimâ  
Decembris M. DCC. XLI.*

M. MICHAELE-JOSEPHO MAJAVLT, Doctore  
Medico Præside.

*An asthmati Thermarum potus?*

I.



ALORIS beneficium est quod vivimus, respirationis quod acceptam vitam retinemus: hujus nunquam non optanda libertas: defectus vel imminutio extimescenda; & tamen, quæ misera nostrum conditio! vix movemur corpore aut animo, quin illico anhelare contingat. Verum isthac ne te terreat respiratio-  
nis mutatio: quidquid difficultatis motus invexerit, quies aufferet: sola sit tibi curæ quam morbus profert, quæ si adeo à statu naturali

recesserit ut parva sit & crebra cum sonitu stertoroso ab asperarum arteriarum *σπασμοῖς*, asthma putato : quod negligere incauti est & insanientis, idem à quacumque causâ oriatur, eodem remedio curare velle, ignorantis & temerarii. Etenim ex cognitione causâ, quâ signis perficitur & affectâ partis naturâ, pendet curatio, remedium aptâ & facili inventione procuranda. Tuberculum est quod suspirio ortum dedit, attenuantia & resiccantia adhibe. Crassus est & viscidus humor, iis utere quâ fluentem humorem revellant, redundantem exhauriant, crassum attenuent, lentum incidant, viscidum detergant. Quod si receptam in pulmone materiam facilius discutere, aut foras educere volueris : cura medicamenta esse liquidiora, largiore haustu sumi : nisi adsit stato tempore recurrens insultus, tum enim venâ sectione, clysteribus, & aliis revellentibus immittens strangulatio declinanda.

## I I.

**A**STHMA & orthopnoea affectus sunt mulieribus quam viris, senibus quam juvenibus magis familiarés : hos ut una eademque causa profert, sic ratio non distinguit ; solus sensus diversos judicat, quos novit magis minuse graves. Ambos parit pertinax lentusque humor, viam quâ it reditque spiritus intercludens : crudum tuberculum congestionis soboles, quod etiam agrum non lecto affigat, non dolore excruciet, non inde minus extimescendum : id lavibus pulmonum arteriis adnatum, asperas premere mole suâ certò cognosces, ex respirationis difficultate & pulsus omnimodâ inæqualitate & intermissione : viscosorumque humorum, quibus bronchia præter alia infarciri solent, adeest suspicio, cum inter animæ ductionem strepitus cum stertore conjunctus auditur : catarrhum à cerebro depluentem tussis prodit, à vasis majoribus palpitatio & febris, utrumque subita spiritûs difficultas angustiae sensum inferens. Fœlix æger cui auxiliator medicus, in hoc imminente vitæ periculo tempestivè occurrerit. Serò Medicinâ parabitur, cum humor densioris compaginis evadens, vasis tenaciter adhæserit ; seriùs adhuc multò si unâ latus debile adfuerit : tunc enim, miserabile dictû, à tussi non ampliùs pulmôni salus sed periculum : validâ & inani concussionè quâ thorax & pulmô quasiati fatiscunt, fluxio promovetur : spirituum *ἀνδρός*, unica salutis anchora, inchoatur non perficitur.

## I I I.

**E** Terræ visceribus quæ prorumpunt aquæ calore succensæ, vi & facultate mineralium corporum, medicatâ thermæ audiuntur. Earum non nullæ ferventes, aliæ calidæ sunt, quædam tepidæ ; sapore præterea & odore, qui illis inest multi-jugis, à vulgo aquarum distinguntur, ut aliæ sal, ferrum, alumen, sapiant : aliæ sulphur, vitriolum & æs oleant. At quò tandem tot rerum medicâ vi illustrium confluxus & confœderatio, ni ut exitium paretur medicamentum ? quod ut omittere piaculum, ita promiscuè admittere periculosum. Ferventibus nemo labrum innoxie admovert, nudumve corpus immerferit, ast ejus vapore & limo multi juvantur : calidas externæ partes non ferunt, suscipiunt internæ ; miro profectu : egelidas verò foris duntaxat admoverti conducit. Sumunt adversus morbos thermæ præsidium : imò omni alio si non majus, saltem præsentius, tutius & jucundius, Quæris sudorifica ? ciendis sudoribus nihil com-

modius, æstuanti thermarum halitu. <sup>3</sup> Vis poros ac meatus cutis aperire, humores fluidos reddere, contracta membra reducere? hæc felicissimè præstabit tepidum lavacrum. Lubet refrigeratam partem calefacere, induratum emollire, nutantem firmare? thermali aquâ fove, luto incrusta, stillicidio riga, & fies voti compos, Humores crassos attenuare, lentos detergere, sputum maturare, partes, & inter eas pulmonem maximè importuno humorum affluxu attritas reficere, aut vano expultricis irritatæ impetu effætas restaurare est animus? salu-  
tares aquas adito: harum potu interiora prolue: incidenti aceto, detergenti melli non cedit: obstructa referat, referata plus æquo, aut intemperata symmetria reddit, humorum ferociam demulcet, putredini occurrit, quæ jam serpit emendat, robor partium fovet & tuetur, deperditum restituit. Quid plura? non prius corpus subit, quin libera & liberalis fiat per sudores, urinas, fecesum, anacatharsim omnis generis excrementorum effusio.

#### I V.

**M**INERALIUM familiam noxiam omnem & inutilem ne dixeris. Plum-  
bum cancro, ulceribus fissuris prodest. Aeris facultas abstergeri ulcera ad cicatricem perducendi Chirurgis sat nota. Sal viventium falus, mortuorum anima, orem movet, fastidium avocat, nauseam prohibet; novit Medicus quanta vis insit nitro aperiendi, digerendi, detergenti. Sulphur pulmonis balsamum sanguinem depurat, naturales vires roborat, morbos instar ignis occulti confumit, asthmatis averruncus, catarrhos exsiccat, phthisicos manifestè juvat. Vitriolum humiditatis hostis insensus omnia resiccat, & quod mirum, remollit, & humectat, emplasticum enim est, superflua discutit, tenacem & viscidam pituitam attenuat, mirum suspirii remedium, si maxime cum vaporibus sulphuris sale & alumine perbellè à naturâ mixtus *idæa autæquum* perfuderit. Ad has aquas omnibus liber & salubris patet aditus solis infantibus & senibus interclusus: nullus tamen inibi se sistat, nisi repurgatus, & antè lucanis horis, benignamque aëris verni aut autumnalis temperiem habeat conspirantem. Qui secus fecerit temeritatis pœnas luet; pariter plectendus veniet qui statim à potu balneum ingreditur, aut horum alterum crudo ventriculo usurpat.

#### V.

**A**STHMATIS curationem incohabis à venæ sectione, pro morbi naturâ, anni tempore, ægri ætate & robore institutâ: attenuante dictâ, parciorique cœnâ quam prandio faciliorem reddes: promovebis maximè frequenti enematum usu: & blandâ purgatione sæpius iteratâ: sed vix aut nunquam nisi initio complebis. His præmissis, ea tantum expedire te à tam gravi affectu poterunt, quæ caloris infirmitatem sublevent, ac expugnent causæ morbificæ qualitates. An non illa caliditatis, tenuitatis & humiditatis sufficienti apparatus instructa esse debebunt? Id ecce commodum affert natura asthmaticis omnibus tam calido quàm frigido temperamento præditis in thermarum potu, ob blandum & halituosum calorem ab utrisque exoptando, ob tenuitatem quoquo-  
versum ad penetrandum apto, ob amicos sulphuris & vitrioli vapores à quibus continuo turgescit, omni asthma summe proficuo, ob sal & vitriolum à

quibus perpetuò sapit, ad fontem asthmatis exsiccandum accommodatissimum,  
ut eo uti in asthma non minùs tutum sit, quam eo laborare periculosum.

*Ergo Asthmati thermarum potus?*

DOMINI DOCTORES DISPUTaturi.

<i>M. Benjamin Ludovicus Lucas de Laurcmbert.</i>	<i>M. Ludovicus Guillelmus Le Monnier.</i>	<i>M. Jacobus-Antonius Miller,</i>
<i>M. Leander Peaget.</i>	<i>M. Iosephus Exuperius Ber- tin, Supremi Valachie &amp; Moldaviae Principis Medi- cus Primarius.</i>	<i>M. Michael Peaget.</i>
<i>M. Ludovicus - Alexander Vicillard.</i>	<i>M. Joannes - Ludovicus Baude de Ladoy.</i>	<i>M. Petrus Afforty.</i>

Proponebat Parisiis, CAROLUS-LUDOVICUS LIGER, Altissio-  
dorus, Baccalaureus Medicus, A. R. S. H. 1741. à sextâ ad meridiem.